

# Венгерск Народн Республикин Государственн Хургт

Венгерск Народн Республикин Государствен Хургин иньгин мендднь, СССР-н Деед Совет гүн ханлтан келджәнә. Государственн Хургин үр депутатнр, танд болн тана нүүрт цуг венгерск олт-әмтнд Деед Советин депутатнр халун мендән илгәджәнә.

Венгерск Народн Республикин Государственн Хургин сессий, венгерск олт-әмтн, контрреволюционн йос буулгъад, помещичье-капиталистическ йосна диг-дара орн-нутгт хәрү босгъхар седсн газдин болн дотр-дундин реакцин седвәр таслдж, эврә Революционн кōдлмшч Крестьянск Правительствин болн Венгерск социалистическ кōдлмшчнрин партин эргнд хамцдж, негддж, Венгрин цуг кӯч-кōлсчнрин сәәни тōлә эврәнн аргъ-чидлән, эврә орн-нутгинн олт-әмтнә эдл-аху босхлгънд өгчәх, социалистическ тосхлт цааранднь делгрүлджәх агъу ик даалгъврта цагт цуглрсмн. Венгерск Народн Республикин правительствд болн Венгерск социалистическ кōдлмшчнрин партъд бидн ах-дүүнрин менд илгәджәнәвдн.

Советск олт улс данъгинд ах-дүүнрин дуртагъар, сул бәәдлд дурта, венгерск олт-әм-

тнә урмдта ноолданднь болн бәәх-бәәдлднь оньган тәвдж хәләджәлә, ода теднә бәрсн диилврмүдт үнн ухагъан тәвдж байрлджана. Венгерск олт-әмтн эврә тōрскн газрин сулин болн кӯүнә өлмәд эс орлгъна тōләд кегдсн ноолданд болн социалистическ тосхлт батлгъна халхд бәрсн диилврмүд ни-тōвкнүн бәәдл тетглгънә болн цуг делкән әәмшгуга бәәдл тетглгънә кергт зōвәр чиртә немр болджана.

Реакцин лагерәс гарсн өшәтнрин ямаран чигн йовдлиннь хәләл уга, венгерск олт-әмтн социалистическ лагерин цуг олт-әмтнлә ни-негн болдж, хоорндк дōнъ-тусан үзлдж, эврә орн-нутгинн культурн болн экономическ өсдж-өдлгд, бәәдл-джиргъл өдлүлгънд шин агъу ик диилврмүд кӯцгидж СССР-н Деед Совет батта кевәр иткүлдж медүлджәнә.

Кӯч-кōлсчнрин әрүн цевр иткмдж авсн, тана өмн, олт-әмтнә зарцнрин өмн агъу ик тōрмүд зокджахнь бидн меджәнәвдн. Таанр кӯндтә даалгъвран нертәгъәр кӯцәхт гидж бидн ицджәнәвдн.

Үнтә үүрмүд! Таанр нертә ик кōдлмштән аль-бис диилвртә болхиг итгджәнәвдн.

1957 джидин майин 10.